Կանխարգելման ազգային մեխանիզմի հոգեբույժ փորձագետ ներգրավելու հայտարարություն

- 1. Սույնով հայտարարվում է Կանխարգելման ազգային մեխանիզմի հոգեբույժ փորձագետ ներգրավելու համար փաստաթղթերի ընդունելություն։
- 2. Կանխարգելման ազգային մեխանիզմի փորձագետ (այսուհետ՝ Փորձագետ) կարող է լինել հայերենին տիրապետող, 25 տարին լրացած Հայաստանի Հանրապետության քաղաքացին՝ անկախ ազգությունից, ռասայից, սեռից, դավանանքից, քաղաքական կամ այլ հայացքներից, սոցիալական ծագումից, գույքային կամ այլ դրությունից, ով՝
- 1) ունի բժշկական բարձրագույն մասնագիտական կրթություն՝ հոգեբույժի որակավորմամբ.
- 2) հոգեբուժական օգնության և սպասարկման ոլորտում ունի առնվազն 2 տարվա մասնագիտական աշխատանքային ստաժ .
- 3) տիրապետում է բժշկական սպասարկման ոլորտի ներպետական օրենսդրությանը և միջազգային չափանիշներին.
- 4) չի հանդիսանում մոնիթորինգային գործառույթներ իրականացնող այնպիսի հասարակական կամ որևէ այլ խմբի անդամ, որը մոնիթորինգներ է իրականացնում ազատությունից զրկման վայրերում կամ խոշտանգումների կանխարգելման ոլորտում.
- 5) չի հանդիսանում որևէ կուսակցության անդամ կամ որևէ այլ կերպ չի զբաղվում քաղաքական գործունեությամբ.
- 6) ունի բարոյական բարձր հատկանիշներ և վայելում է մասնագիտական բարձր հեղինակություն.
 - 7) տիրապետում է առնվազն մեկ օտար լեզվի։

- 3. Փորձագետի հավակնորդը պարտավոր է սույն հայտարարությունը հրապարակելուց հետո 15 օրյա ժամկետում Մարդու իրավունքների պաշտպանի աշխատակազմի քարտուղարություն ներկայացնել՝
 - 1) գրավոր դիմում.
 - 2) անձր հաստատող փաստաթղթի պատճենը.
 - 3) 3x4 սմ չափի երկու լուսանկար.
- 4) սույն հայտարարության 2-րդ կետի 1-ին և 2-րդ ենթակետով սահմանված պահանջների բավարարումը հավաստող փաստաթղթեր.
- 5) առնվազն երկու երաշխավորագիր-նամակ հավակնորդի մասնագիտական գիտելիքների, աշխատանքային ունակությունների և բարոյական հատկանիշների վերաբերյալ.
- 6) սույն հայտարարության 2-րդ կետի 4-րդ և 5-րդ ենթակետով սահմանված պահանջների վերաբերյալ գրավոր հայտարարություն։
- 4. ՀՀ մարդու իրավունքների պաշտպանի աշխատակազմի քարտուղարությունը վերոնշյալ փաստաթղերը ներկայացրած հավակնորդների ցանկը Պաշտպանին է ներկայացնում սույն հայտարարության 3-րդ կետում նշված ժամկետի ավարտից հետո 5-օրյա ժամկետում, ում հետ Պաշտպանը մինչև 10-օրյա ժամկետում իրականացնում է հարցագրույց։
- 5. Սույն հայտարարությամբ սահմանված չափանիշների գնահատման և հավակնորդների հետ իրականացված հարցազրույցի արդյունքներով Պաշտպանն ընտրում է կանխարգելման ազգային մեխանիզմի բժիշկ փորձագետ՝ նախապատվությունը տալով ազատությունից զրկված անձանց հետ աշխատանքի, դասավանդման փորձ ունեցող և խոշտանգումների ու վատ վերաբերմունքի կանխարգելման ոլորտում վերապատրաստում անցած հավակնորդներին։